

曾文正公奏稿

曾文正公奏稿

卷之四目錄

水陸大捷武昌漢陽兩城同日克復摺

咸豐四年八月二十七日

水師搜勦襄河續獲大勝摺

八月三十日

查明賊目殲斃狀及城中各情片

統籌三路進兵摺

九月初七日

謝恩仍辭署鄂撫摺

九月十三日

陸軍克興國大冶水師蘄州獲勝摺

九月二十七日

擬先攻半壁山破賊橫江鐵鎖片

陸軍踏破半壁山賊營水師續獲大勝摺

九月初七日

請飭江西開局製造火藥鉛彈片

白人虎陣亡請卹片

劉若珪殉難請卹片

謝兵部侍郎銜 恩摺

全日

陸軍奪半壁山斫斷鐵鎖水師繞出賊前摺

十月十四日

覆陳不克隨時知照江南片

官軍攻破田家鎮逆船燒盡收復蘄州摺

十月二十一日

請飭各路統兵大臣督撫擇要防堵片

水師前隊已至九江片

官軍水陸大捷武漢兩城同曰克復摺咸豐四年八月二十七日  
奏爲官軍水陸大捷踏平賊營十九座燒船千餘號武昌漢陽  
兩城同曰克復恭摺馳奏仰慰

聖懷事竊水師自抵金口陸營進紮紙坊逼近武昌各六十里  
定議進兵先後次第業經馳奏在案八月二十一日臣塔齊布  
由油坊嶺進發扼東北洪山總匯之區臣國藩在金口定沿江  
三路齊下之策湖南陸軍羅澤南等三千人及荊州派來李光  
榮川勇千人攻東岸花園賊營魁玉楊昌泗四千三百人攻西  
岸蝦蟆磯賊營而水師從大江中路衝擊使賊兩岸不能相顧  
從來此賊守城之法不守陴而守險其精悍者不聚於城內而

堵於城外往往扼險築壘堅不可拔花園外瀕大江內枕青林湖該逆立大營三座掘深溝寬二丈長約三里引江水以達於湖溝內周立木城實以土沙中開礮眼溝外植二尺許木椿交互連釘椿外密布竹籤環以荆棘木城之內又有磚城內濠層層抗拒其堅固幾與金川之石碉相等安礮百餘尊向江者阻我水師向南者阻我陸軍西岸蝦蟆磯賊營其堅固亦與花園相等賊船泊守兩營之下水陸依護臣等深慮此關不破則各路均無可施手也因與李孟羣等熟商將水師各營分爲前後兩班前班戰船從中流飛駛衝過鹽關之下直至鸚鵡洲該逆不意我軍之猝出其後也卽回船下救我軍分兩翼自下抄繞

而上後班戰船復自上排轟而下賊勢不支紛紛落水其悍賊  
數舟風篷五綵每戰冒死向前臣國藩先日懸賞曰奪五綵篷  
者賞錢百千至是爭前奪取秦國祿張啟基鄭沐等六人各得  
其一餘賊撲水登岸楊載福等縱火延燒頃刻之間鹽關二百  
餘號賊船焚燬盡矣東岸花園賊船見西岸已敗相率虜逃我  
軍攢攻悍者數舟餘亦全數燒燬羅澤南等攻花園之陸營分  
爲三路同進賊自木城開礮子如雨點我軍習戰已久礮將發  
則伏地以避子旣落則蛇行以進凡三伏三進直逼賊營候選  
知縣李續賓攻江邊之營從竹籤木椿中踰溝直入羅澤南攻  
湖邊之營先燒營外賊划百餘號以斷賊之抄尾隨奮力直入

李光榮及教諭唐訓方攻中路之營同時躍入諸勇或越高牆  
或穿礮眼而入賊眾大潰縱火焚其營壘而是時西岸魁玉楊  
昌泗率兵攻蝦蟆磯賊營亦恰衝進土城縱火焚之賊眾逾牆  
四竄竄出江者被礮彈擊竄入裏湖者被魁玉沌口伏兵圍剿  
戶橫徧野兩岸焚營之火與江中三百餘船之火煙燄相合天  
爲之赤楊昌泗窮追直下與水軍夾擊復破鸚鵡洲賊營計東  
岸陸軍殺斃千餘名生擒四十七名西岸陸軍割首級四百餘  
顆生擒百餘名江中擊斃者百餘名搶登賊舟殺斃者六十餘  
名焚死溺死者不在此數目已酉墜李孟羣尙不肯收隊復督  
同楊載福等乘勝直下凡沿江木柵悉用大礮轟擊多放火箭

又攻破漢關賊營一座白沙洲金沙洲賊營二座遂進攻鮀魚套口縱火大燒賊舟又數十號叫殺之聲與該逆號哭之聲相雜江水爲沸忽延燒其火藥大船霹靂一聲眾船皆飛賊屍有自半空落不者我軍亦傷亡十七人遂收隊回泊沌口此二十一日連破賊營九座焚船五百餘號之實在情形也前此七月十六日象骨港之役因賊划圍繞太多我軍眩亂致敗自後臣國藩遂陸續招募小划百五十號以敵賊之所長而輔我礮船之不足是夜大軍收隊後派王策勳小划二十餘號前往劫營連環放鎗雖僅焚賊舟十餘號而該逆時泊時開船礮亂轟徹夜不得休息二十二日辰刻三路進攻仍如昨日之舊李孟羣

率前班先發攻燒鮑魚套未盡之船旋卽西渡攻漢陽朝宗門  
土城楊載福蕭捷三俞晟秦國祿等仍衝過賊營直下塘角何  
越珽亦衝過賊營直攻漢口兩城賊礮羣子亂落江心各哨官  
爭先逞長以低頭避子爲恥又以火毬不中賊艙爲恥數舟旣  
然火勢遂烈其桀黠之賊一面開礮抵抗一面揚帆下竄楊載  
福等急槳駛追翻出下竄賊船之前曾不片刻已近青山又將  
該處輜重賊船焚燒北風甚勁挂帆歸來見塘角三百餘號賊  
舟火燄正殷因傍西岸而上又隨李孟羣入漢焚口內之船兩  
岸火光上薄紅衣黃旛餘燼漂流斷肢賊尸與猪雞半死之畜  
叫號沈浮蔽江而下腥臭不復可聞李孟羣回軍攻擊漢陽該

逆於木柵內開礮拒敵我軍轟擊愈緊魁玉楊昌泗之兵亦自上游轉戰而下會合夾攻將晴川閣下木柵大別山下木壘悉數焚燬殺賊數十名生擒十二名東岸之賊自花園既破以後又有鮎魚套近湖一營傍江街口一營我軍分兩路進剿賊從中路迎敵四川義勇湖南親勇新田勇稍卻退奔里許李續賓帶湘勇由江邊折回急援中路破鮎魚套賊營兩座縱火焚之斃賊三百餘名生擒四十二名義勇親勇等亦轉敗爲勝焚燬附城賊營四座此二十二日焚盡漢口塘角逆船踏平兩岸賊營之實在情形也自有此兩日大戰省河上下無一賊船武漢城外無一賊營臣等知其萬無可守之理不曰當棄城他遁矣

二十三日卯刻水陸各營預備攻城武昌之賊已於四更後潛開東北門逃竄猶畱悍賊數百在西南城搖旗放礮故作堅守之狀漢陽城上亦然我水軍及東路陸軍用大礮向漢陽望山等門轟擊而別遣壯士從僻處攀堞而登舉火爲號各營擁入眾賊狂竄截殺百餘人生擒二十餘人內有僞將軍陳昌貴僞總制丁履之立予正法李孟羣自保安門緣城而入徑奔其父李卿穀殉難之所痛哭收骨軍士爲之感泣西岸漢陽城上之賊方與水師連礮對擊楊昌泗之兵勇已自南門梯繩而入魁玉督帶各營在西門外月湖隄一帶埋伏該逆由西門奔赴蔡店被我伏兵截斬斃無數生擒二百餘名午未之間兩城圖

時克復臣塔齊布從油坊嶺而來知武昌東北洪山一帶爲陸路竄賊必由之地預飭大隊四路埋伏該逆不知我軍之猝至前臨大敵後逼危城左近梁子湖右隔陽孫湖無路逃生因分三路拚死抗拒我軍亦分三路迎擊臣塔齊布自當中路指黃袍賊目數人與親兵分刺取之餘匪稍卻兩路之賊皆退遂向洪山之背大奔我軍搶登山脊乘勢追北殲賊約五六百人餘眾圍逼沙湖塘角灣地方紛紛赴水紅巾浮波須臾卽沒湖汊淺處賊尸塞滿後至者踐尸而逃行至中流亦皆漂溺計溺斃一千餘人我軍喊殺愈厲聲振林谷耳不忍聞中有兒童數百人先後奔投湖水臣塔齊布目睹心傷不覺泣下因飭將弁大

呼救小兒不許投水凡救活二百餘人眾賊見小兒得救遂長跪乞命亦帶回七百餘人分別斬決釋放小兒則分置各營棚中將查明籍貫而資遣之此

二十三

日克復兩城大勦洪山竄

賊之竇在情形也二十四日

臣

等二人先後入城履勘街道撫

綏子黎該逆於大宅多置火藥燃香其上入者觸之輒被轟燒

二十三日城內發地雷火礮三次震斃數十人二十四皆數

處火起市上門窗木器片片椎碎所擄各處幼童數千人酷刑

虐殺戰敗之後輒大加殺戮以洩其憤其慘毒如此僞國宗承

相所居之署拆神廟以興修柏木狼籍一牀之費可值千金水

陸兩軍奪獲黃傘三百餘柄金冠龍袍各百餘件鏤錫籤筒筆

架至二千餘具之多其僭侈如此該逆爲神人所共憤一城收復大股破滅本屬意中之事惟三日之內焚舟千餘蹋盡堅壘每次縱火輒遇順風殺賊數千而官軍傷亡不滿二百人湖南陸兵極薄恰有北省兵勇助剿西岸大隊扼洪山要路不先不後恰痛殲東北之竄匪事機之順處處湊泊此則仗我

皇上威福

天心祐祐不特非臣等籌謀所能到亦並非臣等夢想所敢期也現已飛咨湖北巡撫兼署督臣楊需請其迅速渡江鎮撫會城一面妥籌分路進剿事宜廣西升用道李孟羣忠孝鬱積戰必身先沈毅有謀應請加按察使銜并

賞加勇號候選知府羅澤南候選知縣李續賓自岳州拔營東下常在各營之前途中力戰七次大勝攻克花園堅壘制賊之命羅澤南應請

記名以道員用李續賓應請以直隸州選用

賞換花翎升用游擊楊載福永綏營守備蕭捷三廉明愛士膽力堅定從下游逆擊而上甚合機宜楊載福請以參將補用並加副將銜蕭捷三請以都司升用並

賞換花翎候補都司彭三元候補守備唐得陞力截洪山要隘殺賊尤多彭三元請以游擊補用唐得陞請以都司升用  
賞換花翎同知銜文生李光榮練勇殺賊果敢有爲應請以府

經縣丞歸部遇缺卽選已革涼州副都統魁玉高州鎮總兵楊昌泗身先士卒克復郡城實屬奮勉出力可否開復原官之處出自

皇上天恩其餘出力員弁兵勇容俟臣等核明勞績開單保奏仰候

恩施所有官軍克復武漢緣由謹會同荊州將軍官文湖北巡撫兼署督臣楊霈恭摺由驛六百里馳奏仰慰

宸廩伏乞

皇上聖鑒訓不遵行謹

奏

殊批覽奏感慰實深獲此大勝殊非意料所及朕惟兢業自持  
明天速赦民劫也另有旨欽此

水師搜勦襄河續獲

大勝摺

咸豐四年八月三十日

奏爲水師搜勦襄河續獲大勝燒船千餘號恭摺奏祈

聖鑾事竊自二十三日官軍大戰武漢燒燬賊船千餘號克復

兩城鄂省上下二百餘里大江已無賊船惟襄河之內賊船尙

多襄河卽漢水居民及船戶皆稱爲小河者也其正流上通安

陸襄陽以達於興安漢中其旁派則北枝通於德安孝感應城

南枝通赤野湖沙湖以達於沔陽荊州該逆盤踞武漢之時其

國宗丞相等率老賊守城而別遣輕悍之賊在襄河南北擄糧

號令於賊名曰打先鋒誅求於民名曰催貢有船千餘號屯駐

蔡店繫馬口長江埠侏儒山等處游奕無常近北枝者有署督

臣楊店一軍堵勦近南枝者可由侏儒山新灘口以出大江前

此

臣

國藩進紮金口之時曾奏明畱水師千餘人駐防新灘口

蓋

臣

恐襄河賊舟由該處以抄襲我後路也自八月十一日雙保

福忻二鎮在仙桃鎮失利以後賊舟愈多其氣愈熾

二十三日

克復兩城

臣

等卽擬分派水師入襄河口內泝流搜勦二十四

日探報賊舟千餘已由蔡店順流而下將衝出大江與官軍決

一死戰魁玉楊昌泗親至

臣

國藩舟次自請督荆兵攻防陸路

而請

臣

發水師迎而勦之

臣

國藩卽派各營以大船錯布漢口

內外而以三板迅入迎擊入僅數里該逆已連檣而下其前隊

自楊林溝登岸者約二千人魁玉等令官兵佯退楊昌泗及參

將恆泰率兵勇自歸元寺遶至楊林溝抄賊之尾賊眾敗潰適  
戰船雷轟而入該逆開礮抵敵以河身太窄賊船太擠不能迴  
旋取勢該逆倉皇失措時開時泊倏進倏反後船之礮往往自  
擊前船之賊喧爭互詈我軍乘隙逼入將火球火蛋雜亂拋擲  
間以噴筒火箭往來馳突其兇悍之賊雖以火球回擲我軍而  
怯弱之賊與被擄之水手已紛紛躉水登岸逃竄老賊持刀砍  
殺不能禁止竄至北岸漢口者幸得脫免竄至南岸漢陽者輒  
被魁玉楊昌泗之兵截斬斃無數生擒二百餘名斬首百餘  
級陸軍收隊後水師復乘勝追入追及上游有悍賊數舟擲火  
包急撲我軍各船出入於濃煙烈燄之中猝不及避軍士傷亡

十餘人營官守備蕭捷三頭面手足俱受燒傷楊載福等力前  
搶救矛刺一賊墮水焚悍者數舟眾賊乃撲水大潰自三更以  
後賊船逃竄一空我水軍既不放礮亦不揚聲惟各持火毬火  
蛋每隔一船輒擲一火凡行二十餘里至羅家墩臣國藩在鮑魚套與漢水中  
隔大別一山遙望火光自山後透出照見江中波紋盡赤屋瓦  
可數比二十二十二兩夜尤烈也蓋緣漢水逼仄乘賊船擁  
擠喧亂之時而擊之又荊州陸路之兵兩岸被害之民亦乘間  
助而縱火卽船戶被擄已久怨極思歸亦有自燔其船以逃者  
皆若與水軍聯爲一氣是以二十餘號戰船用力甚少成功甚

多自有此戰襄河以內賊舟無幾更酌閏船隻偏爲搜勦從此  
壹意東下無後路牽制之虞矣然臣等細察大局尚有可慮者  
數端水師搶船太多私匿藏貨破城以後水陸弁勇各獲財物  
頗有飽則思飈之意又以岳州酷暑苦戰保奏稍遲頗生觖望  
時出怨言屢勝之餘志驕氣溢殊覺散佚暗伏挫敗之機此其  
可慮者一也武昌竄出之賊臣塔齊布洪山截勦雖殲去四千  
然逃者尙多漢陽竄出之賊則截勦無幾現在逃歸下游蘄黃  
一帶尙有數萬自岳州以下直至金陵數千里久已淪爲異域  
小民劫於兇威蓄髮納貢習爲固然雖經諭令薙髮而鄉民畏  
賊之暴狐疑觀望崇陽興國蘄州黃孝等處亂民尤多設官軍

稍有挫衄則四面皆賊餉道易斷此其可慮者二也水陸兩軍銀錢子藥絲綸皆取給於湖南此後去湘日遠不特餉項支絀勢難長久接濟且千里以外轉輸尤艱軍火銀米一有缺乏軍士潰散前功盡棄此其可慮者三也現在機勢大有可乘臣等急思東下以圖克復沿江諸城然念三者步步艱難又不能不熟思審度縷陳於

聖主之前所有水師續獲大勝并臣等籌慮各條恭摺由驛馳奏伏乞

奏  
聖恩垂鑒訓不施行謹

查明賊自殲斃狀及賊中各情片

咸豐四年八月三十日

再逆首盤踞武昌以各衙署爲行館僞文卷俱萃其中鄂省克復後臣等將賊中往來稟牘彙查於逆謀頗得其詳內有僞東王黃綾誥諭一幅查悉據守武漢之賊係僞國宗韋以德石鳳魁僞副丞相黃再興等前次犯岳之賊係僞國宗韋俊石鎮崙僞丞相曾天養僞承宣張子明林紹璋等而惟曾天養爲尤驍悍調度皆出其手去年破田家鎮破廬州今年破黃州堵城破岳常澧等屬皆曾天養爲一軍之主七月十八日城陵磯之戰臣塔齊布恰與曾天養迎擊該匪直呼塔齊布姓名被親兵黃明魁奮矛截斃立碎其戶餘賊大敗曾天養係廣東惠州人年

六十許猶鬚深目威令素行於眾賊中善用兵者自楊秀清外  
推曾天養爲最伏誅後岳州之賊及武漢之賊爲之茹齋六曰  
臣國藩在螺山時業已問之居民屢訊賊供俱與僞稟牘相符  
臣等前奏言七月初六曰水師哨官羅管全殺斃僞丞相曾姓  
係據褚汝航來稟所云其實初六日僅奪獲曾天養座船及龍  
冠黃袍等件十八日黃明魁始殞其人也曾天養歿後脅從者  
始敢逃散數以萬計該匪關係賊勢盛衰不敢不聲名更正庶  
將來編纂方略亦得據實備書再查逆書中除僞天王及僞東  
西南北翼五王外又有秦曰綱由僞頂天侯加封僞燕王陳承  
瑢由僞天侯加封僞豫王韋俊韋以德係韋正兄弟石鎮嵩石

鳳魁則石達開兄弟自水師前隊占據金口後韋以德卽託故

先回金陵昨二十三日石鳳魁黃再興等開城逃走經

臣塔齊

布截擊殲斃溺斃約三千人訊問撈救之幼童二百餘名內有

從金陵隨首逆來鄂者據供賊戶中凡手帶金鐲身穿黃馬褂

者卽係僞國宗丞相檢點指揮之屬兵勇中先撈得金鐲七隻

越日往尋不知鐲出何尸之手亦不能辨認也該逆初無逃意

二十一日僞國宗逆城猶殺縛城逃賊數十名在城頭望見官

軍戰船不避鎗礮直衝下游始驚顧失色二十二日見城外賊

營盡破賊船盡燒殺縛城者愈多而逃者愈眾遂相向號哭二

十三日卯刻開城向東南逃竄復恰與洪山官軍相遇故得聚

而殲旃據守漢陽之賊有僞丞相陸光祖不知已就戮否破賊必先擒首逆我

皇上亦必懸念及此前奏未及詳備今旣細究各情理合附片

奏

聞

統籌三路進兵摺咸豐四年九月初七日

奏爲統籌三路進兵分別水陸先後直搣下游恭摺奏請  
聖訓指授機宜事竊自武漢克復後襄河以內賊船焚勦殆盡  
江漢一律肅清急應乘勝進剿查此次敗竄之賊脅從解散雍  
髮乞命分途回籍者約二三萬人逃赴下游回踞舊巢再圖抗  
拒者亦尚有數萬人南岸之雍髮解散者爲數尙少其回巢抗  
拒者多集於興國州北岸之雍髮解散者爲數極眾其回巢抗  
拒者多集於蘄州廣濟等處而皆以水次爲老巢以舟楫爲藏  
身之固彊據探稟北岸之黃州府南岸之武昌縣均已收復自  
巴河以下經田家鎮道士洑直至九江節節皆有賊船臣等現

與兼署督臣楊需商定三路進兵南路由臣塔齊布率湖南兵  
勇進攻興國大治等處北路由署督臣派令固原提臣桂明等  
率各營兵勇進攻蘄州廣濟等處水師由江路直下楊載福彭  
玉麟率前幫先發臣國藩督同李孟羣等率後幫繼進俟抵黃  
州時與陸路北軍一會抵田家鎮富池口時與陸路南軍一會  
北軍行至廣濟將入皖境再與署督臣商定行止南軍則須勦  
辦九江後乃能渡江而北以圖疾撫安慶規復省會該逆撈掠  
民船以數萬計經臣等一軍轟擊焚燒者不及七千各省官軍  
焚擊者亦不過數千下游現存之賊船爲數尙復不少九江以  
下必當大戰數次臣等惟有激勵士卒步步整頓以期廓清江

面仰慰

聖懷於萬一所有統籌三路進兵情形謹會同兼署總督湖北撫臣<sub>因方</sub>李光耀由驛六百里馳奏伏乞

皇上聖鑒訓示遵行謹

奏

硃批所籌甚是卽照擬行欽此

謝 恩仍解署鄂撫摺 咸豐四年九月十三日

奏爲恭謝

天恩再行憑陳下情仰祈

聖鑒事本月十一日准兵部火票遞到咸豐四年九月初五日  
內閣奉

上諭塔齊布曾國藩奏水陸大軍同日克復武昌漢陽一摺此  
次運籌決策深合機宜允宣立沛殊恩以酬勞勸曾國藩著賞  
給二品頂戴署理湖北巡撫並加恩賞戴花翎欽此竊臣辦理  
戎務過多功少屢次陳奏在案武漢克復有提臣塔齊布之忠  
奮有李孟羣羅澤南之謀略有楊載福蕭捷三等之勇鶯故能

將士用命迅克堅城微臣實無勞績至於縱火多順風之時西岸得荆兵之助廿三勦洪山之賊廿四燒裏河之船事機之順處處湊泊則由我

皇上憂勤所積默挽

天心非臣籌謀所能及尤無勞勦之可言荷

溫諭之褒嘉祇慚悚以無地至奉

命署理湖北巡撫則於公事毫無所益而於私心萬難自安有不得不懲陳於

聖主之前者水師前幫業於初七日啟行沿途搜剿已過黃州以下臣率後幫亦擬卽日起行鄂垣善後事宜旣不能一爲兼

顧轉瞬出鄂入皖湖北巡撫之關防仍須委員賣回武昌此所謂於公事毫無裨益者也臣母喪未除葬事未妥若遽就官職則外得罪於名教內見譏於宗族疑微臣兩年練勇造船之舉似專爲一己希榮徼功之地亦將何以自立乎上月謝恩摺內申明前奏不敢仰邀議敘本月初九日奉到硃批殊不必如此固執等因欽此臣亦知

聖主垂訓之殷恐微臣涉於好名之念臣更厯憂患屢經敗挫又常奉

聖諭以好名爲誠豈有漫不省察之理顧自維纍然素絰遺綰符綬大義虧損何以臨民康熙間奪情之案李光地爲彭鵬所

勅于養志爲陸隴其所劾載在

國史凜然可畏揆之大防返之方寸均覺悚皇無已此所謂於私衷則萬難自安者也

臣與督

臣楊需熟商恐出境在卽關防

交督徒費展轉是以不敢接受仍由督臣將關防收存並籲懇皇上天恩簡派賢員接任湖北巡撫以重疆寄俾臣得專力東

征感荷

生成實無既極尙藉

聖主如天之福此後勦辦得手廓清江面不致隕越則微臣供

職之年尙富受

恩之日方長斷不敢矯情要譽上負

聖慈諄諄之訓所有

微臣

感激下忱並懸陳辭免署撫各情謹

繕摺附驛具奏伏乞

皇上聖鑒訓示施行謹

奏

硃批覽朕料汝必辭又念及整師東下署撫空有其名故已降旨令汝毋庸署湖北巡撫賞給兵部侍郎銜汝此奏雖不盡屬固執然官銜竟不書署撫好名之過尙小違旨之罪甚大著嚴行申飭欽此

陸軍克興國大治水師蘄州獲勝摺

咸豐四年九月二十七日

奏爲陸軍分途大捷克復興國大治兩城水師在蘄州大獲勝仗恭摺由驛奏

聞仰祈

聖鑒事竊照水陸三路進兵業經奏明在案南路之師臣塔齊布率湖南將弁十三日自鄂省拔營由武昌縣一路進剿大治之賊署湖北提督佈克慎副將王國才揀發游擊阿達春從之以行候選道羅澤南亦於十三日拔營起行由金牛堡一路分剿興國州之賊游擊彭三元都司普承堯等從之以行北路之師副都統魁玉總兵楊昌泗等於十七日拔營起行固原提督

臣桂明已自楊店先至黃州水師前幫於初七日起槉二幫於十三日起槉臣國藩於二十一日舟次黃州與北軍一會卽飭

魁玉楊昌泗於二十二日西出蘄水進剿蘄州之賊此分路先後進兵之大略也十七日羅澤南等由金牛堡進至大治縣探聞逆匪知官軍兩路進剿遂從田家鎮糾黨六千餘人半由興國分抄大治堵拒武昌一路官兵半踞興國州城堵拒金牛一路官兵羅澤南等於二十日已刻馳抵興國境內之鹽埠頭地方急截大治賊黨歸路並禦興國之匪使不得合爲一隊該逆分三路來撲有眾約三千人黃旂偏野羅澤南等登山審視扼僉阱陣如不欲戰者然該逆馳下山岡由田壠進撲我師羅澤

南彭三元由田壠中路進攻普承堯由傍山左路進俟選直隸  
州李續賓由沿河右路進四面圍抄鎗礮刀矛並舉呼聲震天  
殪其前鋒數人賊遂奔潰半棄軍械而走我軍追殺十里之遙  
共斃賊三四百名生擒五十三名內有僞總制汪茂先僞師帥  
二名旅帥四名兩司馬八名皆髮長尺餘立卽梟示奪獲大小  
黃旗六十餘面抬鎗鳥鎗百餘件馬十二匹子藥軍裝無算該  
逆因我軍扼截要路不能前赴大治是晚棄髮逃生者十之四  
五餘多回竄興國州城二十一日五鼓羅澤南等派隊六成仍  
分三路前進直薄州城城外盤踞之賊悉數狂竄飛龍飛虎僞  
旗及軍械子藥皆委之而去官軍由南門入克復州城搜獲僞

知州胡萬智爲賊中僞進士力守州城希圖再舉者供詞狂悖至死不悔當卽凌遲梟示復捕獲餘匪二十餘名就地正法該

知州保忠亦帶近鄉練勇回城會同安撫難民其大治之賊臣

塔齊布於二十日由武昌縣拔營馳勦二十一日已刻抵大治

城外之五里牌該逆約四五千人整隊來犯臣塔齊布率湖南

弁兵及阿達春等由中路進王國才等帶領雲南弁兵由南路

進佈克慎等帶領湖北弁兵在於北路埋伏該逆勢甚猖獗官

兵鏖戰逾時殺賊多名尙抵死抗拒臣塔齊布怒馬衝陣將逆

首立斬馬下中路之賊當卽敗退左右兩路亦隨奔潰各路兵

勇及埋伏之兵乘勝施放火箭火彈燒燬賊營二座煙燄迷漫

詎料敗竄之匪拚死復來左路另有伏賊突起臣塔齊布正在  
揚鞭督陣忽被數匪撲來刺傷坐馬幸親兵數人立前刺取伏  
匪之悍者四路短兵相接賊復大潰戶橫徧野我軍由縣城北  
關追出南關復分兵截賊之腰共斃賊約一千餘名奪軍械千  
餘件驟馬二十七匹餘賊爭橋過河遺竄人數擁擠橋忽折斷  
墜橋死者近一百人後至者爲追兵所逼無路可逃全數落水  
溺斃又千餘名與八月二十三日洪山追賊入湖層累踐踏大  
致相似各營生擒逆匪一百三十四名因其擄掠姦淫肆毒已  
久僅子梟首不足蔽辜概令剜目凌遲以洩居民之憤此陸軍  
二十一日同時克復興國大治兩城之寶在情形也各營水師

分縛斬州上游之蒜花塢道土洑漳源口一帶十八日探聞斬  
州城導我水軍深入距兩岸陸營在三四百里外希圖乘隙  
來撲我水師升用參將楊載福候選同知彭玉麟等會商定計  
與其待賊至而迎敵不若及其未至而擊之遂於十九日督同  
千總秦國祿等各帶長龍三板自蒜花塢出隊行抵斬州對岸  
賊見我軍將近將船百餘號先行開出放礮迎敵並於高岸搖  
旗開礮以護未開之船我軍奮勇轟擊該逆船勢不能支卽行  
下竄我軍分戰船一半追赴下游趨至距田鎮十五里之骨牌  
礮先後燒燬三十餘號躉斬無數其一半則攻擊未開之  
賊船該逆躉礮擲火抵死抗拒岸上賊復開礮助之子如雨下

我軍習戰已久俱以避子爲恥愈擊愈奮自午至酉酣戰數時始將未開之船六十餘號一概燒盡轟斃逆黨甚多北岸陸軍未到州城未能卽復收隊回營時已五更計奪獲旗幟鎗礮共數百件而陣亡受傷者亦不少此水師蘄州獲勝之實在情形也伏查鄂省逆匪以興國崇陽兩處之賊爲最兇悍自去年田鎮失防興國大治該逆久已踞爲老巢上達崇通下達九江製造子藥噚聚黨羽皆以興國爲總匯之所該逆閏七月在鄂城開科取士興國之人應試者最多是以臣等於克復武漢以後卽決計先勦興國大治茲幸仰仗

皇上天威兩城同日克復惟殲斃雖逾二千之多而逃竄

尙復不少探得該逆畏南軍之勁從下 游渡竄北岸於田家鎮  
多築土城掘濠數重又以木簰橫截江面阻我舟師分賊數千  
踞守蘄州城內亦於臨江一面築壘安礮拒禦水師臣塔齊布  
督同羅澤南尙在南路痛勦餘匪臣國藩現紮道士洑相機審  
度如果北岸之賊負嵎抗拒仍當令南軍渡江會剿以期一鼓  
殲除仰慰

宸廑此次水陸二軍分途獲勝克復堅城所有出力員弁兵勇  
合無仰懇

皇上天恩准臣等擇尤保獎以作士氣其陣亡兵勇亦卽查明  
照例辦理所有陸軍分路大捷克復兩城並水師獲勝各緣由

謹會同湖廣督臣楊霈恭摺由驛六百里馳奏伏乞

皇上聖鑒訓示謹

奏

擬先攻半壁山破賊橫江鐵鎖片

咸豐四年九月二十七日

正封摺間適接探報該逆於田家鎮江面橫安鐵鎖二道相距約十數丈鐵鎖之下排列小划數十隻以鎗礮護之北岸築土城多安礮位專防我軍戰船該逆屢次大敗之後而氣力尚凶橫如此殊堪痛恨臣等擬先攻田鎮對岸之半壁山奪其要隘則鐵鎖一岸無根當易拔去理合附片陳明謹

奏

陸軍踏破半壁山賊營水師續獲大勝摺  
咸豐四年十月初七日  
奏爲陸軍踏破半壁山賊營水師續獲大勝恭摺由驛奏  
聞仰祈

聖鑾事竊水師在蘄州獲勝陸營克復大治興國業經馳奏在  
案查逆黨全力占踞田家鎮自蘄州至該鎮四十餘里沿岸增  
築土城安設礮位江面用鐵鎖橫亘阻截舟師其南岸之半壁  
山富池口均令重兵駐守兩岸之賊舟楫往來我軍欲破田鎮  
必須先奪南岸上年田鎮失防因半壁山富池口爲賊所據勢  
遂不支故南岸爲必爭之地臣等在鄂省時已經籌及是以克  
復興國大治後卽定議占據半壁山富池口兩處臣塔齊布於

二十八日自興國拔營進紮富池口新授浙江甯紹台道羅澤南進紮半壁山是夜宿挑港初一早整隊進發羅澤南自帶湘勇九百合以游擊彭三元都司普承堯所帶寶勇九百各派七成隊爲前敵而以三成護輜重居中升用直隸州李續賓帶湘勇九百以三成護輜重前行而以七成居後防賊抄尾已刻行抵馬嶺均距半壁山賊營二三里見該處孤峯峻峙俯瞰大江與田鎮諸山相雄長上紮大營一座小營四座挖溝深丈餘闊三四丈不等引內湖之水環灌之溝內豎立礮台木柵溝外密釘竹籤木樁其堅固與前次花園賊壘相埒而地險過之羅澤南等登高審度形勢正欲紮營賊忽以數千人來撲其田鎮之

賊渡江助戰者又數千人藏匿民房者亦紛紛突起約共萬餘人半壁山至馬嶺均湖㳇紛錯惟兩隄可通行人我軍列陣以待擬俟李續賓到後開仗賊恃人眾遽來搦戰寶勇居左向前迎敵被害數名諸勇盡退羅澤南恐一潰之後不可復救自帶敢死之士數十人匹馬衝去奮力堵殺賊眾退歸隄北羅澤南復由右隄衝出殺賊數人藍翎千總何如海手刃偽丞相一名與六品軍功彭稱祥併力向前從左隄殺出斃賊數十名突被高阜之賊拋擲石塊擊中何如海額端登時陣亡彭稱祥趕救一同遇害左隄湘勇亦稍卻退羅澤南從右隄回馬衝入左隄督勇截住賊眾愈殺愈多礮子雨下火箭噴筒交集兇猛異常

我軍進則賊稍退我軍卻則賊復前如此者數十次血戰三時之久賊雖屢挫尙拚死抵抗適李續賓帶湘勇後隊趨來救應軍氣益振羅澤南與候選知縣李杏春從左隈衝進李續賓從右隈衝進殲數十名賊眾大敗乘勝直逼賊營從木椿竹籤中踰溝而入縱火焚燒煙燄蔽空焚斃以數百計彭三元分途截殺普承堯亦從右坳抄出圍住賊營各勇追至江岸賊卽登舟我軍搶入舟中殺斃近千人江水盡赤覆舟溺斃者亦不下千人浮尸蔽江僞秋官丞相林紹璋被湘勇追至舟邊殺於馬下賊憚我軍升湧自岸上<sub>自岸上</sub>潛赴新生禽四十餘名據供除林紹璋外又有僞將軍陳姓僞指揮彭姓及僞官十數名均已就戮

百餘面馬三十餘匹子藥軍裝無算申刻收隊查明各  
勇陣亡者計二十三人此初一曰陸軍羅澤南等在半壁山大獲  
勝仗之寶在情形也水軍自十九日戰勝後分紫漳源口之兩  
岸與蘄州賊船相距二十餘里二十九日辰刻澄海營營官白  
人虎定湘營營官段瑩器駕戰船十餘號往下遊巡哨風平水  
湧忽近蘄城該逆猝出船百餘號圍擊澄海營被燒船一號被  
擊破一號我軍小挫一面迎敵一面轉柁回營該逆見官軍卻  
退遂乘東風大作飽帆來追凡尾追十餘里乘勢上犯直近老  
營左營彭玉麟右營楊載福親往救應中營秦國祿清江營俞  
慶嚮導營孫昌國各率快蟹長龍等大船盡出逆風開鎗排轟

而下哨官任星元李陞元鮑超等傍南岸而行衝至蘄州以下之釣魚台先包賊尾然後逆擊而上將賊船裹入中段該逆先乘順風上犯倉猝不能退轉又見官軍上下圍抄遂紛紛棄船登岸我軍自上而下者攢礮以轟登岸之賊自下而上者縱火焚釣魚台之賊船是日上犯之船恐數焚奪無得脫者計延燒賊船近八十號奪獲賊船大小四十六號巨礮六十三尊抬鎗鳥鎗旗幟號衣子藥僞書無算白人虎因初時小挫後得大勝憤極戀戰戌初猶未收隊被岸上之賊以抬鎗中傷額角卽夕殞命當逆船來犯時陸賊千餘人亦沿岸上撲護衛水師之陸勇先派八十餘人放哨突遇賊至鼓勇格鬥傷亡十餘人各營

始出隊救應前任江西巡檢石熾然偕浙江監生徐國本急稟  
請親勇十餘人奮往助陣石熾然刺倒大旗賊目復手刃六賊  
乘勝進追樹林內伏匪突出石熾然徐國本同時遇害賴大隊前  
三軍應水軍復向岸轟擊始將陷賊擊退此二十九日水軍  
先挫後勝之實在情形也初一夜該匪乘北風甚勁前來驚我  
水營以小划十餘亂拋火毬而於北岸施放火箭日國藩以黑  
夜風厲一經開動必至自相撞擊急傳令軍中曰船不開動者  
該哨官立卽奏保其開動者立卽責革各營堅壁不動手持水  
鉗見火毬落船卽時撲滅該逆射火箭數百枝僅燒一船餘俱  
無恙次日查明開動之船僅十餘號此外皆堅坐不動此初一

夜大風驚營之實在情形也伏查該逆自武漢敗竄卽全數防守田家鎮蓋以南岸之大治興國北岸之蘄州廣濟向爲眾賊之淵藪而田鎮與半壁山又實爲天然之關隘故上游之賊併萃於此復自下游江皖糾集滿髮老賊來此抗拒阻我東下之師現在鐵鎖尙牢繫江心兩岸賊眾尙近四萬計曰內必須大戰數次臣等謀定後發斷不敢稍涉疏虞此次與該逆爭此關隘幸仗

聖主天威水陸獲勝所有在事出力員弁兵勇仰懇

天恩容臣等酌量保獎以示鼓勵至陣亡各員除白人虎另片請卹外藍翎千總何如海自岳州以來身經數十戰爭先陷陣

奮勇被戕合營皆爲痛哭克復武昌案內擬保守備尙未出奏應請從優照守備例

賜卹前任江西馬當司巡檢石熾然臂力剛強膽勇俱壯因眾寡不敵遇害碎首屠腸死事最烈應請

飭部議卹監生徐國本襄辦營務明敏勇敢武昌案內擬保從九尙未出奏此次助陣捐生尸首無獲合無仰懇

聖恩卽照從九例議卹藉以昭激勸而慰忠魂所有水陸大捷各情由謹會同湖廣督臣 楊需恭摺由驛六百里馳奏伏乞

皇上聖鑒訓示施行謹

奏

請飭江西開局製造火藥鉛彈片

咸豐四年十月初七日

再臣等軍中所需子藥前後用至數十萬斤之多概係湖南省局支應不特撫臣等竭力籌解卽委辦後路糧台之保升道員裕麟保升知府厲雲官等均能設法預籌或水路虞其阻滯忽改陸路或前批尙未起行接辦後批委官委紳絡繹不絕實屬勉力供支無誤要需惟目下全軍將出楚境距南省千數百里江湖阻隔風信靡常此後殊難應手且南省供億經年力量不繼亦賴協濟於鄰封湖北殘破之餘竟難措辦相應請

旨飭下江西撫臣陳啟邁遴委幹員籌款開局監製火藥鑄造鐵子鉛彈由湖口道解出江就近接濟庶可無誤軍行俟江西省

子藥辦成解到後即可漸紓湖南省局之力理合附片具  
奏請旨

白人虎陣亡請卹片

咸豐四年十月初七日

再澄海營官白人虎籍隸華容剛正嫉惡本年三月十七日逆  
首王光鼎丁魁生等聚匪千餘人逐官踞城白人虎捐貲募勇  
與生員白明月等帶勇千餘往剿及賊戰於萬庾市殺賊七十  
餘名白人虎右骭受傷復手刃二十二賊遂乘勝收復縣城生  
擒匪目尹其正等追賊至石首縣境之招商河殲斃九十餘名  
逆黨恨甚旋於五月初二分三路悉數來攻眾寡不敵縣城再  
陷知縣宋昌期殉節義勇死者七十人白人虎遂赴荊州請兵  
偕李光榮黃鵬程等援石首並攻華容十二日白人虎先驅及  
賊戰於板橋殺匪千餘人再復縣城倡辦團練經荊州將軍官

文咨賞五品頂戴未知曾否入奏復勦捕巴陵陳家林土匪殺  
催貢之匪目楊大連易正清生擒王光鼎之父六月二十二日  
逆船二百餘號在九都焚掠復帶勇勦斃五百餘名燒船二十  
四號旋於華容石首監利三邑交界之塔市驛搜捕丁魁生家  
口殺之義聲所倡各團響應該縣雖數月無官合邑士民咸奉  
白人虎爲依歸土匪終不敢肆虐卽粵匪往來荊州岳州之間  
不敢多擾華容亦賴白人虎保護之力臣國藩札調來營華容  
士民畱之嗣令其招集水勇修理船礮駐紮新灘口以防裏河  
之賊白人虎晝夜辛勤自家運米二百石以佐該營之用所得  
公項銀兩盡數分給士卒其義俠廉正均不可及臣等方以國

士期之武昌克復案內擬保守備尚未出奏遽力戰捐軀深堪  
慟惜該營官歿後其部曲揮涕如雨皆思爲之報仇其義憤亦  
尙可用合無仰懇

皇上天恩俯念該營官徒手倡義功在地方卽照守備陣亡例  
飭部議卽以示

旌異而慰忠魂臣等爲激厲人心起見是否有當謹附片

奏

聞請

旨

劉若珪殉難壽卹片  
咸豐四年十月初七日

再臣克復武漢卽派員查明殉難官紳下落據已革湖北鹽法  
武昌道劉若珪家丁趙升呈稱竊家主前在署黃州任內值粵  
匪數萬來攻孤城無援遂至失守當經投環自盡被眾家丁挽  
救復甦時以苟延殘喘爲恥鬱鬱不樂嗣經部議發遣因道梗  
難行粵匪復又上竄鄂省戒嚴奉崇巡撫札委巡守小東門夙  
夜在公不遑安息原冀戴罪自効稍贖前愆不料六月初二日  
省城再陷家主感憤愈甚卽在蛇山望

闕叩頭懸樹自盡家丁見其情詞激烈不敢勸救又恐逆黨殘  
毀其尸隨負至寓所後院煤房掩厝用瓦礫標識卽縋城躲避

鄉間昨大軍攻克武昌家丁趨回原寓查看家主尸身雖腐面  
曰如生呈懇奏明請卹等因據此當卽委員前往查驗無異仍  
飭妥爲棺殮搬回原籍查革道劉若珪係前任大學士劉權之  
之子由知府補授鹽道世受

國恩自去年以來屢以前事爲疚憤不欲生卒能一死殉城克  
完初志我

皇上表章節義凡獲譴之員但能遂志捐軀均獲

加恩賜卹此外鄉紳義勇有因殺賊捐生者雖一命未膺猶蒙

恩卹屢奉

通飭欽遵在案今劉若珪引義自裁深堪憫惻合無仰懇

皇上逾格

天恩飭部議卹以勵臣節而慰忠魂所有據呈請卹緣由理合

附片奏

聞請

旨

謝兵部侍郎銜 恩摺咸豐四年十月初七日

奏爲恭謝

天恩仰祈

聖鑒事九月二十七日准兵部火票遞到咸豐四年九月十三日內閣奉

上諭會國藩著賞給兵部侍郎銜辦理軍務母庸署理湖北巡撫欽此竊臣墨經從戎毫無勞績前荷

恩綸畀以封疆重寄臣因母憂未除義不忍遽綰符綬且出境

東征於地方公務尤難兼顧是以具摺叩謝

天恩并辭巡撫之任迺前摺尚未賚到卽蒙

聖慈垂念

體卹周詳免其署理巡撫俾臣內不虧於名義外得効乎馳驅  
凡私衷不敢上達之隱無一念不在

洞鑒之中感激涕零莫可言喻至頭銜之

龍錫尤慚悚之交增未展寸功叨司九伐責任愈重報稱愈艱  
現在師抵蘄州水路兩獲勝仗又幸有半壁山之捷擬卽將田  
鎮老巢併力攻破以便直搗下游臣益當慷慨誓師枕戈待旦  
拯生民於水火紓

宵旰之憂勤以期仰答

高厚鴻慈於萬一所有微臣感激下忱謹繕摺附驛叩謝

天恩伏乞

皇上聖鑒謹

奏

硃批知道了欽此

陸軍奪半壁山斫斷鐵鎖水師繞出賊前摺

咸豐四年十一月十四日

奏爲南路陸軍大捷斃賊約萬餘人斫斷江中鐵鎖水師繞出  
賊前屢獲勝仗恭摺奏祈

聖鑒事竊前月二十九日水師獲勝本月初一日陸軍大捷業  
經馳奏在案初一日餘賊聚集湖汊扛抬賊屍忽出數千人搖  
旗搦戰甯紹台道羅澤南因各勇久戰力疲不令出隊臣塔齊  
布自興國拔營本與羅澤南分爲兩路羅澤南西往半壁山臣塔齊  
布東往富池口初一日夜宿南村初二日行至軍山觜值  
該逆分數股來撲隨督參將周鳳山等奮力擊退焚燒富池口  
賊營一座卽在軍山觜營與羅澤南之營相去十餘里中隔

小河初四日臣塔齊布遣人搭造浮橋以通兩營之路羅澤南派隊接應橋尚未成忽逆黨千餘人阻遏渡處而江中賊船忽以數千人上坡排列半壁山之左北岸田家鎮之賊渡江者又數千人排列半壁山之右其占踞舊壘之賊亦皆搖旗出隊羅澤南急登高阜瞭望見僞官坐擁將台高聲發令龍旗黃傘氣燄甚張數路賊黨約共二萬餘人我軍以臣塔齊布之師無橋可渡僅羅澤南等湘勇寶勇二千六百人眾寡懸殊軍士恆怯臨時逃去三人候選直隸州李續賓遣人飛馬追回此三者揮涕而手刃之慷慨誓厲人心始固羅澤南與眾將士約曰賊眾我寡當以堅忍不發勝之卽督勇駐紮高阜之左李續賓駐

高阜之右游擊彭三元等排列江岸都司普承堯等排列馬鈴  
山左均防賊反奔賊眾屢次來撲我軍突起大呼衝陣連斃執  
旗賊目餘眾盡靡回奔半壁山舊營該處孤峯拔起惟後路有  
級可登前瞰長江下臨絕地我軍乘勝追殺飛上山巔逆黨無  
路可逃被斬千餘人從峭壁之上橫墜而下死者數千人竪石  
挂樹血肉狼籍餘賊奔江覓船我軍亦緣壁下擊呼聲震山谷  
有十餘舟因人數過擠自行沈溺有數十舟未及遽開被我軍  
躍入悉數撲水卽已開之船亦戰慄不能鼓棹我軍復用火彈  
火箭縱橫延燒卽合營之長夫餘丁亦各執械爭出或一人殺  
十餘賊平地血流崖有殷痕江之南岸水皆腥紅自湘潭岳州

以來陸戰數十次未有斃賊如此之多者也該逆大敗之後賊船概歸北岸我軍將南岸賊營盡數焚燬遣壯士百餘縋崖而下將橫江鐵鎖六條竹纜七條盡行斫斷日暮收隊是日臣塔齊布亦隔港分擊斬獲頗多忽有賊千餘人自下游富池口沿岸而上冀抄我軍之後臣塔齊布親率將弁回頭截擊該逆敗竄江邊亦被我軍追逼溺斃百餘人與上游溺賊繼續而前此閏七月初二陳陵磯之役八月二十三洪山之役九月二十一大治之役皆以追賊落水溺斃甚多未有如此次之慘者也是夕浮橋始成該逆經此大創猶復積憤思逞初五日復從田家鎮渡江來犯約三千餘人意圖搶過浮橋先撲臣塔齊布營

圍當率游擊阿達春守備李新華等先過浮橋迎擊酣戰良久  
羅澤南李續賓由左路出半壁山下彭三元扼截江岸普承義  
據守馬鈴山一路賊忽以千餘人搶踞山岡火毬連擲燒斃湘  
勇二名前隊盡退羅澤南奮力衝截李續賓由山坡抄來賊始  
敗潰乘勝追至江邊日塔齊布亦已追至兩軍夾擊殺賊四百  
餘名溺斃二百餘名內有黃馬褂及黃龍風帽之賊四名我軍  
仍列隊江干以俟該逆見官軍盡赴下游遂開船百餘號從上  
游登岸轟擊意欲徑撲羅澤南之營幸彭三元等奮勇堵截添  
派三成隊登堤協勦該逆復揚帆上行數里至牛欄磯對岸鑿  
擁上坡各勇亦沿江追擊數里羅澤南等復從半壁山下游趨

來援應斃賊數十名溺斃四五十名焚賊船三隻該逆始悉敗歸此初四初五陸軍大捷斫斷鐵鎖之實在情形也訊據生擒賊供稱初四日登將台指揮者爲僞燕王秦曰綱憤岳州武漢之敗率滿髮老賊新來扼守田家鎮初一日該逆泊舟彭塘觀陣見官軍數止五六千人意甚輕之初四日挾全力來犯冀以一股逼臣塔齊布之軍使不得渡以一股圍撲湘勇寶勇各營不期大敗初五日興憤極復仇之師思一股先攻下游誘我軍全隊下擊別以一股從上游潛渡撲營不圖屢戰屢敗從此賊計已窮不敢復窺南岸而半壁山遂爲我軍所有矣水師自二十九日大捷後賊船灣泊蘄州城下以岸上之鎗礮護之我

軍屢次誘擊堅匿不出臣國藩與各營官熟商曰蘄州賊船不過百餘而牽綴我軍不得直攻下游初四初五半壁山大戰我水師不能前往援應此賊之詭計也我畱水師之少半與蘄州賊船相持而以強半直衝下游與半壁山陸軍相合則不墮賊計之中而賊船裹在中段亦自無可逃矣初八日左營彭玉麟後營蕭捷三等因移營之便順攻蘄州之賊船礮礮數千賊戶徧地逆船堅伏不出惟岸上土城之礮與船上之礮兩層環擊與我相持官軍受傷亦多哨官蕭世祥中礮殞命鏖戰之際釣魚臺下有逆船數十號開竈我軍分船追剿拋擲火彈燒燬賊船二十餘號奪獲二號乘勝追下遂進繁骨牌礮衝過賊營之

下十五里初九日復用小划誘賊出戰而以大隊圍擊蘚捷三營燒賊船八隻各營共燒十餘隻賊舟仍堅伏不出然上下皆官軍戰船該逆船裏入中段大小不滿六十號萬無久駐之理遂以初十夜乘大風挂帆遁去此初八九等日水師疊勝繞出賊前逆船夜竄之實在情形也伏查該逆以東西梁山爲江南門戶以田家鎮爲安徽門戶併力與我爭此關隘臣等定計先奪南岸之半壁山次攻江面之船然後合攻北岸之賊茲幸仰託

皇上天威南岸業經奪取北兵不甚得力俟江面勦辦得手卽當調南兵渡江會剿務期速破此關庶退可以固守兩湖進可

以規復江皖此次水陸鏖戰將士用命應請立沛  
恩施以昭激厲候選直隸州李續賓手刃逃勇臨陣督師有名  
將之風應請

記名以知府用並

賞加勇號升用游擊彭三元於全隊下擊之時獨能力堵上游  
偷營之賊進退有方應請以參將升用寶慶協都司普承堯以  
少擊眾膽力堅定應請以游擊升用先換頂戴其餘出力員弁  
兵勇仰懇

天恩俯准臣等擇尤保敘以勵戎行卽補外委蕭世祥屢著戰  
功武昌克復案內擬保千總此次奮勇捐軀深堪憫惻應請

飭部從優照千總陣亡例議卹所有陸軍奪取半壁山水師疊勝各緣由謹會同湖廣督臣楊需恭摺由驛六百里馳奏伏乞皇上聖鑒訓示施行謹

奏

硃批獲此大勝皆因汝等和衷共濟調度有方故能將士用命以少擊眾朕披覽之餘感慰莫能言喻仍另有旨欽此

覆陳不克隨時知照江南片

咸豐四年十月十四日

再<sub>臣</sub>於九月二十三日在黃州行營欽奉

寄諭著隨時知照江皖各撫及托明阿向榮等四路兜擊以期直擣金陵等因欽此自應欽遵辦理惟自岳州以下久爲逆匪占踞軍中信息實有難於常通者<sub>臣</sub>國藩自辦理軍務以來於偵探文報二事亦嘗認真講求不敢稍涉疏忽在衡州時曾遣人探至安徽金陵一帶及至本年五月始歸又曾買船裝炭用重金雇人放至下游使賊擄去以探彼中消息前後放去炭船四隻共擄去二十七人現在逃回者止六人餘或業遭殺害或杳無音信至遭人專探賊情亦多遇賊被害或被官兵盤拏或

被鄉團捆獲皆因口音不符卽示以護票而不見信前遣三人至江西卽被高安縣鎖拏昨遣四人至安徽又被英山縣鎖拏雖經飛札飭放而橫被拘戮者尙多所遺探卒現有數人未歸此偵探之難也武漢未復以前臣營奏報均專差送荊州交驛三月內遣外委劉培元送摺赴荆歸途被賊擄去兩月始獲逃歸嗣遣外委陳金鼇赴荆復被土匪攔搶行李川資僅以身免凡被賊州縣驛站俱廢往往迂道數日中途忽又折回八月初四日克復崇陽二十四日大燒襄河賊船相去將近一月而臣報克復崇陽一摺與督臣楊需報襄河燒船一摺同曰奉到諭旨緣一由楊店發行一由金口送荊州轉遞遂至遲速懸殊

此文報之難也至與長沙通緊要文件均須專差前往卽與半壁山陸營通信所過之地居民尙蓄髮盈尺使者疑畏動輒迂迴數日目下臣營摺報仍須專人送至漢口方能交驛臣等深慮奏報不能迅速上廩

聖慮然道途多梗辦理實形竭蹶至與金陵揚州各營通信則須專差赴江西轉由浙江繞道前進動須數月之久前聞粵省紅單船已至東西梁山不勝欣喜頃聞忽又折回江浦爲之疑慮屢經查探終未深悉其詳合無仰懇

皇上天恩凡江南揚州各營現在情形及紅單船現泊何處飭令軍機處於

諭旨交寄之便隨時示知一二其安徽廬州等處臣卽廣遣差探時通消息以期無誤軍事所有江南不克隨時知照情形理合附片陳明謹

奏

官軍攻破田家鎮燒盡逆

船收復蘄州摺

咸豐四年十月二十一日

奏爲官軍大破田家鎮賊防燒燬賊船四千餘號田家鎮及蘄州兩處之賊悉數潰竄恭摺馳奏仰祈

聖鑾事竊官軍與逆賊力爭田家鎮一關初四初五等曰陸軍大戰斫斷鐵鎖奪占南岸業經馳奏在案該逆安置鐵鎖之法與吳人成法不同吳人於兩岸鑿石穿鐵江中無物承之故一處鎔斷全鎖皆沈該逆則節節用小船承之中用木簰三架承之船與簰之頭尾皆用大錨鉤於江底鐵鎖四道橫於船簰之上以鐵碼鈴之故雖南岸斫斷一節而其餘數十節仍牢繫如故自初六以後該逆復將南岸一節續行鉤聯於半壁山下簰

上安礮船上置鎗以防我舟師之進逼簰上鋪沙船中貯水以防我火彈之延燒自鐵鎖以上皆賊之戰船大小約三四十號自鐵鎖以下皆賊之民船灣泊約六十里大小約五千號亦時放鎗礮以助聲威其北岸則於田鎮街外築一土城長約二里街尾爲吳王廟賊營一座繫鐵鎖北岸之根僞燕王秦曰綱駐其中街之上爲老鼠山賊營一座又上爲磨盤山賊營一座又上爲牛肝磯賊礮台一座自牛肝磯下至吳王廟長約六七里皆密排礮眼向江心轟擊全力以防舟師南岸自初四初五大敗之後不敢復於半壁山上紮營僅於山下十里富池口紮營三座以護下游之賊舟此該逆設防之實在情形也我軍戰船

自初九日進紮蘄州之下十二日遂進紮見峯觜去田家鎮僅  
九里右營參將楊載福左營同知彭玉麟等密登南岸至臣塔  
齊布及羅澤南營內共商大舉破賊之策楊載福彭玉麟歸船  
傳知各營官哨官曰明日破賊當分戰船爲四隊第一隊專管  
斬斷鐵鎖凡炭鑪鐵翦大椎大斧之類皆備第二隊專管攻賊  
礮船與之對相轟擊第三隊俟鐵鎖開後直追下流大燒賊船  
第四隊堅守老營以防賊船冒死上犯十三日辰刻戰船出隊  
臣塔齊布督同羅澤南周鳳山等率陸軍六千人排列江之南  
岸以助水師之聲威該逆自牛肝磧礮台以下直至吳王廟盡  
銳抗拒千礮環轟子落如雨我水師第一隊哨官劉國斌萬瑞

書等循南岸急槳而下一礮不發徑赴半壁山下鐵鎖之前賊以礮船開近救護我軍第二隊環圍擊之燒其快蟹船二號該逆不敢復護鐵鎖劉國斌等椎斷船上之鐵碼船卽自鎖下抽出哨官孫昌凱繼以洪鑪大斧且鎔且椎須臾鎖斷各三板飛槳駛下該逆見官軍衝過鐵鎖驚顧失色卽時旂靡眾亂簰上放礮之賊已駕小划而遁下游賊舟倉皇揚帆下竄我軍三板追及縱火焚之楊載福等先夕與各哨官議曰先燒在上者則在下者開竄遠矣不如窮追數十里從下游延燒而上至是各哨船梭竄於千百賊船之中迅如飛鳥礮聲雷動申酉之際追至三十餘里之武穴地方乃縱火大燒煙燄蔽天仰託

皇上威福

蒼穹默佑是時東南風大作賊舟不能下行紛紛撲水號哭浮沈昏懵無知或反攀戰船求救輒被官軍刺斃或緣登賊舟賊亦抽刀斫之不能相顧其悍賊開駕下竄或被勁風吹還撞近南岸陸路之軍又從而縱火焚燬其火藥大船最多往往衝入重霄碎板亂飛當水軍衝過鐵鎖之時臣塔齊布卽督飭陸軍從半壁山飛馳而下呼聲震天與戰船礮聲相應將近富池口賊營二三里該逆并不抵敵出營大潰尙有二三百人逃竄不及者全數追逐落水陸軍與水勇爭前刺殺縱火燒其營盤自半壁山以至富池口中間沙洲數里前此初四初五之戰尙有

千餘賊屍未收至是焚溺半死之賊復混雜於沙際水濱殘骸  
堆積斷肢漂流目不忍睹楊載福劉培元洪定陞李成謀等見  
鄆穴以上焚燒略盡鄆穴以下尚有賊船復率十餘舟鼓棹窮  
追又三十里至龍坪時已三更凡燒船約四千餘號百里內外  
火光燭天皆該逆歷年所擄民船同歸浩劫楊載福至次日已  
刻始行歸隊以竟日不食積勞嘔血各勇奪獲賊船至五百餘  
號之多彭玉麟恐船隻太多爭奪貽誤又恐眾勇飽則思飈遂  
將奪回之船一并焚之臣等一軍陸路殺賊之多無過初四半  
壁山之戰水路燒船之多無有過於是曰者該逆舟楫被燬無  
巢可歸無糧可食無子藥可用遂於十三夜四更自焚營壘而

遁此水師大破田鎮賊防之實在情形也至蘄州陸賊雖與  
田鎮之賊爲一而兩路抗拒各有頭目踞田鎮之逆首爲僞燕  
王秦曰綱僞國宗韋俊等踞蘄州之逆首爲僞檢點曾鳳傳陳  
玉成等各有真賊數千脅從數萬田鎮之賊力爭南岸之半壁  
山南軍破之於前水師焚之於後蘄州之賊與北軍相持曰久  
本擬調羅澤南渡江會剿因臣塔齊布兵力單薄未敢分兵北  
渡臣國藩屢飭魁玉楊昌泗等深溝高壘暫主守而不主戰並  
飭署黃州府許贊藻等扼要駐守遏賊上竄之路又有南軍護  
衛水師之陸勇二千人亦飭扼守北岸爛泥灘一帶十二日都  
司楊名聲教諭唐訓方等率護水師之二千人移營柵欄山十

三日田鎮鏖戰之時蘄州賊忽出數千人來撲楊名聲等督勇迎敵接戰逾時該逆忽從左側山後抄出一股各營驚潰陣亡四十餘人營棚被燬逆黨尾追水師戰船向岸開礮轟斃大旗賊目數名賊始退入蘄城十四日賊黨三千人復偷搭浮橋縱牛馬均來撲魁玉等各營別由東路菩提壩分股抄尾並撲至曹家河劫搶糧米營盤亦被焚燬楊昌泗等分途抵禦許賡藻李玉田等併力策應始將該逆擊退蘄州之賊兩次上撲北岸各軍尙不知田鎮老巢已破逆舟已焚遂爾猖獗自恣旋聞下游大敗頓失所恃遂於十四夜三更棄城而逃竄往廣濟一帶此北岸官軍雖挫蘄州之賊聞敗逃竄之實在情形也伏查該

逆以田鎮爲金陵咽喉并力爭此關隘臣等以南岸山高早經籌定先攻南岸次攻江面然後合攻北岸不圖鐵鎖一破焚舟數千不特田鎮之賊不戰自潰卽蘄州乘勝之賊亦膽破宵遁此皆我

皇上憂勤惕厲上格

天心故能使風伯助威祝融效命且大戰數日傷亡亦並無多臣等實念不到此現已飛飭水師全隊乘勝進攻九江臣塔齊布等卽日由陸路前進此次水陸將士非常出力應請立沛破格

恩施以勸將來副將銜升用參將楊載福卽選同知彭玉麟共

定四隊進兵之議眾船大戰條理不亂楊載福徹夜追賊勞苦  
此應請

記名以副將用仍加總兵銜彭玉麟將奪獲之船燒盡禁貪息  
爭紀律尤嚴應請

記名以知府用並

賞加勇號浙江甯紹台道羅澤南謀勇俱備奪占半壁山爲此  
次第一功績應請

賞加按察使銜保升游擊普承堯首先撲營應請

賞換花翎守備用劉培元守備銜千總秦國祿孫昌國外委洪  
定陞各帶本營戰船奮勇衝陣窮追下游四十餘里劉培元武

漢之役身受重傷擬保都司尙未出奏此次仍請以都司卽補並

賞換花翎秦國祿武漢案內擬保都司尙未出奏此次仍請以都司卽補並

賞戴藍翎孫昌國請以守備補用洪定陞武昌之役頭面受傷擬保千總尙未出奏蘄州兩戰最爲奮勇此次請以千總卽補加守備銜並

賞戴藍翎其餘出力員弁兵勇仰懇

天恩容臣等開單保獎以勵軍心陣亡兵勇查明照例辦理所有官軍攻破田家鎮燒盡逆船收復蘄州各緣由謹會同湖廣

督臣楊需恭摺由驛六百里馳奏伏乞

皇上聖鑒訓示遵行謹

奏

硃批另有旨續獲此勝皆因汝等籌畫盡心朕甚廩念欽此

請飭各路帶兵大臣督撫擇要防堵片

咸豐四年十月二十一日

再逆賊經屢次大創前後焚燬逆船約計萬餘號長江之險我已扼其上游金陵賊巢所需米石油煤等物來路半已斷絕逆船有減無增東南大局似有轉機然閱看賊中文卷並細詢逃出各犯知其頭目傷亡者無多而兇悍亡命之黨爲數實尚不少臣等初慮江面不清或成割據之勢若勦辦得手又慮江面一清或成流賊之患蓋水師一入皖境燬其舟次之巢穴失其飄忽之長技分支四竄乃事勢之所必至臣等一軍以肅清江面直搗金陵爲主設該逆旁竄他縣陸軍竟難兼顧相應請旨飭下諸路帶兵大臣及各省督撫擇要堵禦預防流賊之患

其不臨江之府縣或爲該逆盤踞官軍所必爭之地臣等亦必  
迂道往攻斷不肯舍難就易稍誤事機理合附片陳明謹奏

水師前隊已抵九江片

咸豐四年十月二十一日

正封摺間接據稟報水師前隊彭玉麟等十九日已追賊至九江沿途續焚賊船百餘號九江城外已無賊船城內賊亦無多惟十三夜逃出賊戰船八號尙泊九江之北岸其田鎮蘄州之賊概由北岸竄至黃梅孔龍驛一帶臣塔齊布於二十日率羅澤南等渡江至田鎮巡北岸而下擬至九江對岸與水師一會再行相機勦辦理合附片奏

聞謹

奏